

豫章叢書

第五冊

綱目續編

彙覽

己卯冬月
于南昌復廬

欽定四庫全書總目卷四十七

史部

編年類

綱目續麟二十卷校正凡例一卷附錄一卷彙覽

三卷

江西巡撫
採進本

明張自勳撰自勳字卓菴南昌人是編成於崇禎癸未首爲校正凡例一卷列朱子凡例與劉友益書法凡例而各著所疑次爲附錄一卷備列朱子論綱目手書十二篇及李方子綱目後序王柏書綱目大全後徐昭文綱目考證序證綱目一書非惟分註非朱子手定卽正綱亦多出趙師淵手併證劉友益誤以晚年未定之本

爲中年已定之本遂不求端訊末強辨証眞其
續麟二十卷則案原書次第摘列綱目及考異
書法發明考證之文而一一辨正其是非彙覽
三卷則列增刪正綱者三千六百四十餘字增
刪分注者四百四十餘字彙覽覽爲改正之本
而續麟則發明改正之所以然分注召文彙覽
僅改其年號君名諡號之類而其他所當改者
以其文太繁則散見於續麟中蓋二書詳略互
見相輔爲用者也其宗方孝孺之論不以統予
秦晉隋未免儒生膠固之見然其他參互比較

每能推其致誤之所以然如唐以前太子卽位
皆書名至唐獨不書名劉友益曲爲之說自歟
則以爲太子卽位前史皆書名至唐書本紀獨
不書名綱目不過誤從史文不必強爲穿鑿又
如漢景帝中元年十二月晦日食綱目漏書三
年九月晦日食旣綱目漏書旣字自歟以爲皆
漢書本紀先漏綱目但據本紀而未見五行志
故有此失別無他義皆足破陋儒附會之說他
若唐太宗貞觀元年書徵隋祕書監劉子翼不
至劉友益書法稱書不至何美子翼也尹起莘

發明亦以特書隋官爲美之自勳則據唐書劉
禪之傳載于翼後復召拜吳王府功曹參軍終
著作郎宏文館直學士謂綱目失考誤以爲陶
潛一例如是之類其說皆鑿鑿有徵非故與朱
子爲難者比至於凡例稱曹丕劉裕書姓而綱
目書宋王裕乃無劉字又凡例稱宦者封爵皆
加宦者字如鄭衆之屬而綱目書鄭衆封鄭鄉
侯乃無宦者字用證綱目傳寫刊刻不免譌脫
不必以鈔胥刻工之失執爲朱子之筆削尤爲
洞悉事理之言視徒博尊朱子之名而牽合迂

謬反晦朱子之本旨者相去遠矣

曲盡其

論語

卷八

下

本其初

自其

論語

卷八

大其

論語

綱目雖繼春秋而作然未盡合春秋之旨余輒引義
增刪并爲更定凡三千六百四十餘字義詳續麟辭
載彙覽識者合觀之可也分註不能悉載惟歲首年
號君名諡號間爲訂正計四百四十餘字秦晉隋並從分註不復大姑據彙覽所載餘見續麟者不盡錄移有好古

者合全書整理循例增損亦易爲力雖然春秋以制
科取士幸得不廢綱目雖存往往東之高閣卽分註
尙未寓目況大書乎又況大書之褒貶是非不能無
謬戾者乎余雖爲續麟將求爲綱目不可得安望其
與春秋并垂哉雖然劉氏之書法伊氏之發明汪氏

徐氏之考異考證猶得與綱目並列則如續麟者後
世或有取焉余非好爲紛更然每覽一書凡心所未
安不能不形諸筆墨姑以盡吾心而已道不終泯應
有昭著之日直俟之耳丙辰蒲節前一日張自勳識

歲乙未予主講昌黎書院就張氏借卓庵綱目續麟
讀之附識數語還其家欲謀梓以行世未果也閱今
二十年復來袁乃得爲之序曰通鑑綱目學史者宗
之皆以爲朱子作而不知非也嘗攷朱子當日命門
人趙師淵輯綱目而師淵史學旣非所長文義亦未
精心是以疎舛不一朱子自序亦云輒與同志因司
馬溫公胡文定諸書增損成篇然則綱目非朱子手
纂確然而無疑而世儒不察比之孔子作春秋過矣
夫春秋之作筆削嚴於袞斧雖游夏不能贊一辭後
之作史者不盡旣乎道而欲上擬聖經不其難乎元

儒汪克寬輩多病綱目之脫誤且與春秋義例不符
然未有起而正之者非以書之卷帙浩繁未易率爾
論定歟宜春張卓庵奮乎數百年之後不顧世之驚
笑竭一生之力於綱目凡增益更改刪除無一不衷
諸大義亦曾與其兄芑山相辨正學者得此書以讀
綱目心開而目爽無復往時脫誤之疑義例之失卽
謂卓庵爲朱子功臣而續春秋之一脉可也我皇
上四庫全書網羅散佚江右收錄者經類則朱可亭
晏一齋史類則張卓庵是卓庵以一布衣隱然與相
國中丞名望若鼎立古學之可貴如是夫乾隆五十

九年甲寅仲春月奉新徐日都

綱目續麟彙覽目錄

卷之上

起戊寅周威烈王二十三年盡甲申魏元帝
咸熙元年

卷之中

起乙酉魏元帝咸熙二年盡癸未唐高祖武
德六年

卷之下

起甲申唐高祖武德七年盡己未周顯德六
年

綱

增一千零四十字

刪一千三百三十字○改一千二百七十四字

目
歲首
年號

大書刪九十八字○增八字

分註增二百零二字

秦晉隋每年分註不盡錄俟
續修全書者逐年增入可也

刪一百二十字○改一十七字

綱目續麟彙覽卷上

宜春 張自勳

戊寅周威烈王午二十三年秦簡公悼子十二年晉烈
公正十七年齊康公貸二
年楚聲王當五年燕閔公二十一年○趙烈侯籍六
年韓景侯虔六年魏文侯斯二十二年皆始爲侯○
統舊國五新國
三凡八大國

原本午字細註今大書分註秦簡公闕名今補悼

子二字趙烈侯舊列魏斯下今並改正按趙自襄
子至籍凡

四世韓自康子至虔凡三世獨魏桓子至斯僅二
世以世族論亦當先趙况分晉之禍尤趙爲之首

平故當
更定

初命晉大夫趙籍韓虔魏斯爲諸侯

原本趙籍列魏斯下非是今正

辛巳安王二年趙侯籍卒

原本不書趙籍卒非是今從提要補正

壬午三年秦惠公趙武侯
韓烈侯取元年號山崩

原本崩下有壅河二字今刪入分註

甲午十五年○魏侯斯卒

刪

乙未十六年秦出公趙敬侯章韓文侯魏武侯擊元年
田齊太公和元年○并晉齊楚燕統舊

凡八新國一
凡九大國

原本分註作統秦晉齊楚燕趙魏韓非是今從提